

萬有文庫

第二集七百七種

王雲五主編

毛詩注疏

(五十)

毛亨傳
鄭玄箋
孔穎達疏

商務印書館

毛詩注疏

(五十)

毛鄭孔
傳箋疏

國學基本叢書

附釋音毛詩注疏

卷十五〔十五之一〕

魚藻之什詁訓傳第二十二

毛詩小雅

鄭氏箋

孔穎達疏

魚藻刺幽王也。言萬物失其性。王居鎬京。將不能以自樂。故君子思古之武王焉。

萬物失其性者。王政教衰。陰陽不和。羣生不得其所也。將不能以自樂。言必自是有危亡之禍。○藻音早。鎬。胡老反。樂音洛。篇內唯注八音之樂一字音岳。餘並同。

〔疏〕

魚藻三章。章四句。至武王焉。○正義曰。作魚藻詩者。刺幽王也。言時王政既衰。致令天下萬物。失其生育之性。而不得其所由。此王居鎬京。將有危亡之禍。將不能以自燕樂。故詩人君子。觀微知著。思古之武王

焉。以武王之時。萬物得所。能以自樂。今萬物失性。禍亂將起。不以爲憂。亦安而自樂。故作此魚藻之詩。陳武王之樂。反以刺之。幽王之詩。思古多矣。皆不陳武王。此獨言之者。此言將喪鎬京。其居鎬京。武王爲始。刺王將喪其業。故特陳武王也。既言思古。故反經以序之。萬物失其性。經三章上二句是也。王居鎬京。將不能以自樂。三章下二句是也。○箋萬物至之禍。○正義曰。言萬物所以失其性者。由王政既衰。以致陰陽不和。水旱蟲災。死喪疫病。害加草木。殃及飛走。羣衆生長之物。悉皆不得其所。是萬物失其性也。羣生不得其所。易乾鑿度文。將者。未至之辭。故云言必自是有危亡之禍。謂從是得禍不復更能興也。

魚在在藻有頒其首

頌、大首貌。魚以依蒲藻爲得其性。箋云：藻、水草也。魚之依水草，猶人之依明王也。明王之時，魚何所處乎？處於藻，既得其性，則肥充，其首頌然。此時人物，皆得其所正。言魚者，以潛逃之類，信其著見。○頌、符文反。說文同。韓詩云：衆貌。見、賢遍反。

王在在鎬豈樂飲酒

箋云：豈亦樂也。天下平安，萬物得其性。武王何所處乎？處於鎬京，樂、八音之樂。與羣臣飲酒而已。今幽王惑於褒姒，萬物失其性，方有危亡之禍，而亦豈樂飲酒於鎬京，而無悛心，故以此刺焉。○豈、本亦作愷。同。苦在反。樂也。下同。悛、七全反。改也。沈又七旬反。

〔疏〕

魚在至飲酒○正義曰：言明王之時，魚何所在乎？在於藻也。然藻者是水中之草，乃是魚之常處，既得其性，故能肥充，有頌然其大首也。魚之潛逃，尙得其性，則水陸之物，莫不盡然。是萬物皆得其所矣。既

萬物得所，天下無事。爾時武王何所在乎？在於鎬京，樂此八音之樂，與羣臣飲酒而已。今幽王方有危亡之禍，將以喪滅鎬京，反亦愷樂飲酒，故刺之。○傳頌大至其性○正義曰：釋詁云：墳、大也。頌與墳，字雖異，音義同。以序言萬物失其性，則在藻依蒲爲得其性也。故探下章而摠之云：魚以依蒲藻爲得其性。○箋魚之至著見○正義曰：物之潛隱莫過魚，顯見者莫過人。經舉潛逃，箋舉著見，則萬物盡該之矣。故以人類之。魚之依水草，猶人之依明王。變武王言明王者，見人之所依，取其明也。又言人物者，物卽魚也。

魚在在藻有莘其尾

莘、長貌。○莘、所巾反。

王在在鎬。飲酒樂。豈魚在在藻。依于其蒲。王在在鎬。有那其居。

箋云。那、安貌。天下平安。王無四方之虞。故其居處那然安也。○那、乃多反。王多也。

〔疏〕

箋那安至然安。○正義曰。那然爲安之狀。故那安貌也。無四方之虞。昭四年左傳文。

魚藻三章章四句

采芣刺幽王也。侮慢諸侯。諸侯來朝。不能錫命以禮。數徵會之。而無信義。君子見微而思古焉。

幽王徵會諸侯。爲合義兵。征討有罪。既往而無之。是於義事不信也。君子見其如此。知其後必見攻伐。將無救也。○芣、本亦作叔。侮、亡甫反。朝、直遙反。篇內皆同。數、色角反。音朔。爲、于僞反。

〔疏〕

采芣五章章八句至思古焉。○正義曰。作采芣詩者。刺幽王也。以幽王侮慢。諸侯來朝。不能錫命以禮。數徵召而會聚之。而無誠信之義事。無故召之。而無信義。後若實有義事。將召而不來。詩人見其微。知其

著。而思古昔明王焉。故作采芣之詩。言古之明王。能敬待諸侯。錫命以禮。反以刺幽王也。序皆反經爲義。侮慢諸侯。首章上二句是也。不能錫命以禮。首章下四句是也。其餘皆是錫命之事。序摠而略之。君子見微而思古

會。敘其作詩之意。於經無所當也。○箋幽王至無救。○正義曰。天子之會諸侯。必爲四方有不順服者。將征討之。乃會以爲謀焉。不然不會之也。今幽王徵會諸侯。若爲合會義兵以征討有罪者。故諸侯聞其召而皆會。旣而無此征

討之義事。是於義事不信。故言無信義也。以寇徵之。而實無寇。後實有寇。徵將不來。君子見其如此。其後必見攻伐。將無救之事。未然而已知之。是見微也。易曰。幾者動之微。君子見幾而作。是君子皆見微也。周本紀曰

。褒姒不好笑。幽王欲其笑。萬方故不笑。幽王爲烽燧大鼓。有寇至則舉烽火。諸侯悉至。至而無寇。褒姒乃大笑。幽王欲悅之。數舉烽火。其後不信。益不至。幽王之廢申后去太子。申侯怒。乃與繒西夷犬戎共攻幽王。幽

王舉烽火徵兵。兵莫至。遂殺幽王驪山下。盡取周賂而去。是義事不信。見伐無救之事。

采菽采菽筐之筥之

興也。菽所以芼大牢而待君子也。羊則苦。豕則薇。箋云。菽。大豆也。采之者。采其葉以爲「菹」。三牲牛羊豕。芼以菹。王饗賓客有「生」俎。乃用銅筥。故使采之。○筐音匡。筥音舉。芼。亡報反。薇音微。菹。火郭反。銅

音刑。籩。古衡反。

君子來朝何錫予之雖無予之路車乘馬

君子。謂諸侯也。箋云。賜諸侯以車馬。言雖無予之。尚以爲薄。○乘。繩證反。下注車乘驂乘皆同。

又何予之玄衮及黼

玄衮。卷龍也。白與黑謂之黼。箋云。及與也。玄衮。玄衣而畫以卷龍也。黼。黼黻。謂緋衣也。諸公之服。自衮冕而下。侯伯自鷩冕而下。子男自毳冕而下。王之賜維用有文章者。○衮。古本反。玄衮冕服。黼音斧。徐又音補。卷。眷勉反。下同。本又作衮。黻音弗。緋。知里反。本又作黼。同。雉知反。鷩。必滅反。冕也。毳。尺銳反。木

〔疏〕

采菽至及黼。○毛以爲言古之明王待諸侯。使人采此菽藿。得菽藿則筐盛之。筥盛之。以爲牛汁之芼。筐筥所以受所采之菜。以興牢禮。所以待來朝諸侯。故於此君子諸侯之來朝也。乃云有何物而當錫予之乎。於時

雖爲無可予之。尚與之路車及所乘之駟馬。其車馬之外。又以何物予之。又以玄衣而畫以卷龍。下及緋冕之黼裳。言無予之。尚得車馬衮黼。今王何以反侮慢之。曾無錫命之禮乎。故刺之。○鄭唯以不與爲異。其文義則同。○傳興也。至則薇。○正義曰。傳既言羊則苦。豕則薇。則菽不摠芼三牲而言。菽所以芼太牢者。舉牛之芼。則羊豕之苦薇。從之可知。故云太牢以摠之。公食禮云。銅芼牛藿羊苦豕薇。皆有滑。注云。藿。豆葉也。苦。苦茶也。

滑、薑蕒之屬。是也。王述毛云。筐筥受所采之菜。牢禮所以待來朝諸侯。○箋蔽大豆至采之。○正義曰。以蔽名指大豆之體。而言采。故云采其葉以爲薑。言三牲牛羊豕者。一傳解「言大牢之意。明舉蔽以見三牲。牛不獨爲大牢也。定本三牲之下。無牛羊豕字。王饗賓客。則有牛俎。謂以鼎煮牛。取其骨體。置之於俎。其汁則芼之以薑。調以醢醢。乃盛之於俎。謂之俎羹。故言乃用俎羹也。卽公食記俎芼是也。以草菜地之毛。故謂之芼。地官牛人云。凡賓客之事。共其牢禮。積膳之牛。又云。饗食賓射。共其膳羞之牛。注引燕禮膳宰設俎。王之膳羞亦猶此。知王饗賓客則有牛俎也。彼食亦供牛。獨云饗者。以饗爲尊。且舉饗而食可知矣。○箋賜諸侯至爲薄。○正義曰。諸侯來朝。而得車馬之賜。是於禮事足矣。而言雖無予之。是古者明王。其意猶以爲薄。箋深駁今王薄亦不爲也。其雖無予之言。通及玄衮及黼爲文。但以車服之別。故分言之耳。觀禮曰。天子賜一諸侯氏以車服。注云。賜車者。同姓以金路。異姓以象路。服則衮也。驚也。義也。是服同賜之矣。○傳玄衮至之黼。○正義曰。玉藻云。龍卷以祭。卽卷龍也。白與黑謂之黼。冬官續人文。○箋玄衮至章者。○正義曰。傳雖云玄衮卷龍。而義未明。故申之。玄衮者。玄衣而畫以衮龍。玉藻注云。龍衮畫龍於衣。卷字或作衮。然則以龍首卷然。謂之衮龍。衮是龍之狀也。黼黼黻者。引類以明之。非黼黻爲一也。謂絺衣。絺謂刺之。言此黼黻絺刺之於衣。衮黼之在衣也。衮則畫之。黼則刺之。故言謂絺衣。以對衮畫衣故也。絺在裳言衣者。衣總名也。諸公之服。自衮冕而下。侯伯自鷩冕而下。子男自毳冕而下。皆春官司服職文。引之者。明衮黼非一衣。君子總諸侯也。故彼注云。九章。初一日龍。次二曰山。次三曰華蟲。次四曰火。次五曰宗彝。皆畫以爲績。次六曰藻。次七曰粉米。次八曰黼。次九曰黻。皆絺以爲績。則衮之衣五章。裳四章。凡九也。驚畫以雉。謂華蟲也。其衣三章。裳四章。凡七也。毳畫虎雉。謂宗彝也。其衣三章。裳二章。凡五也。絺「衣」粉米無畫也。其衣一章。裳二章。凡三也。玄冕者。衣無文。裳刺黻而已。是以謂之玄焉。凡冕服皆玄衣纁裳。由此言毳冕絺冕。其裳皆以黼爲首。唯玄冕無文耳。言子男自毳冕而下。則通及絺冕。此黼宜絺冕之裳矣。箋言謂絺衣者。自取絺繡之義。非謂冕名。但差失偶同耳。「一裁」以爲衣舉裳。裳舉黼。正是衮冕之服。知不然者。以經言及。則非一之辭。又君子來朝。非獨上公一人。何得獨言衮龍之衣乎。故知黼文下及絺冕之裳也。賜法下不得兼上。而上得兼下。則五等所賜。下皆及於絺冕矣。所以獨言衮黼。不及玄冕者。鄭卽解之云。王之賜服。唯用有文章故也。案終南美秦襄公之受顯服。云蔽衣繡裳。是得玄冕也。又曰。錦衣狐裘。是得皮弁服也。然則天子之賜諸侯。無文亦賜之。言王賜唯用有文章者。解詩人特舉衮黼之意。諸侯之得王賜。以有文章者爲榮。故詩人言王之賜服。唯用有文章者言之。故其辭

不及玄冕。此解作者之意耳。非謂玄冕以下王不賜之。且作者黼亦取與莒馬爲韻也。

鬻沸檻泉言采其芹

鬻沸、泉出貌。檻泉、正出也。箋云。言我也。芹菜也。可以爲菹。亦所用待君子也。我使采其水中芹者。尙絜清也。周禮。芹菹雁醢。○鬻音必。沸音弗。檻泉。銜覽反。徐下斬反。爾雅云。正出、涌出也。芹、巨斤反。菹、側魚反。清如字。一音才性反。

君子來朝言觀其旂其旂淠淠鸞聲嘒嘒載駟載駟君子所屆

淠淠、動也。嘒嘒、中節也。箋云。屆、極也。諸侯來朝。王使人迎之。因觀其衣服車乘之威儀。所以爲敬。且省禍福也。諸侯將朝于王。則駟乘乘四馬而往。此之服節。君子法制之極也。言其尊而王。今不尊也。○旂巨機反。侯將朝於王。一本無于字。皆以王字絕句。一讀諸侯將朝絕句。以王字下屬。乘乘、上音承證反。下音繩。諸

〔疏〕

鬻沸至所屆。○毛以爲鬻沸然者。是正出之檻泉。我明王使人於此水中。采其芹菜以爲菹。以待諸侯。以與富有者是王家之府藏。我明王使人於此府中。取其財貨。以爲車服。以賜諸侯。其君子諸侯至來朝之時。我

明王又使人迎之。因觀其車服旂旂。其此君子車服旂旂。則淠淠然動得宜。其車馬鸞鈴之聲。又嘒嘒然鳴中節。至於將朝。王於是親自駟駟。則乘四馬而往迎之。未來則采菹爲菹以待之。既來則乃使人在塗迎之。既朝王。則驂駟而見之。是故明王於諸侯。其所尊敬。法制之極。今王何以不尊乎。○鄭唯以不與爲異。○傳鬻沸至正出。正義曰。以鬻沸連檻泉言之。故知泉出貌。釋水云。檻泉正出。正出、湧出也。李巡曰。水泉從下上出曰湧泉。此章毛傳與事不明。正以上章類之。知此必爲興。王肅云。泉水有芹。而人得采焉。王者有道。而諸侯法焉。觀此上下止言王者之待諸侯。不美王者與諸侯作法。肅輒言之。恐非毛旨。必欲爲興。不一知。以興車服賞賜。故別爲毛說焉。○箋芹菜至鴈醢。○正義曰。上章菹萑「美」。則此芹亦食之。故知芹菜可以爲菹。亦所以待君子也。以菹爲牛之芼。言菹見其有牛俎。泉是芹所出。言泉見其芹絜清。不謂非泉卽不絜也。周禮。芹菹鴈醢者。醢人

赤芾在股邪幅在下彼交匪紆天子所予

云。加豆之實。芹菹兔醢。落菹鴈醢。是也。彼鴈醢與芹菹別文。而連引之者。因其尙潔清。芹鴈俱是水物。故連言之。○箋諸侯至不尊。○正義曰。上言采其芹爲我明王。則此言觀其旂亦爲我明王。故云王使迎之也。此陳王尊諸侯。既使人迎之。又自親迎。因見諸侯車服之得禮。故言其旂鸞之事。與下章相首引。是一文而有二意。故云因觀其衣服車乘之威儀也。此直有車乘。而兼云衣服者。逆探下章。是相互之意。明皆因迎而觀之耳。言觀則人迎可知。案觀禮云。至于郊。王使人皮弁用璧勞。注云。郊。謂近郊。去王城五十里。小行人職曰。凡諸侯入。王則逆勞于畿。則郊勞者。大行人也。書傳略曰。天子太子十八曰孟侯。孟侯者。於四方諸侯來朝。迎於郊。則小行人迎於畿。大行人迎於郊。此直云迎。理兼於此也。又解所以必使迎而觀其威儀者。迎之所以爲敬。觀之且以省察其禍福也。成十四年左傳曰。古之爲享食也。以觀威儀省禍福也。彼雖云饗。理可相通。故箋據而言之。以諸侯至。當行朝禮。故言將朝。於是王則驂乘駟馬而往迎之。知驂駟非諸侯之物者。以上云言采其芹。又曰言觀其旂。皆王於諸侯之事。既言旂鸞。乃云載驂載駟。故知非諸侯所乘。明王所乘以往也。夏官齊僕云。朝覲宗遇饗食。皆乘金路。各以其等爲車送逆之節。注云。謂王乘車迎賓客。上公九十步。侯伯七十步。子男五十步。是也。又言此服飾君子法制之極者。謂古者明王待君子諸侯。法制所爲之至極。言其可尊。而今王不尊。故刺之。

登。歷。解。胡定反。騰。徒登反。解。古實反。

樂只君子天子命之樂只君子福祿申之

申。重也。箋云。只之言是也。古者天子賜諸侯也。以禮樂樂之。乃後命予之也。天子賜之。神則以福祿申重之。所謂人謀鬼謀也。刺今王不然。○樂只。上音洛。下音止。重。直用反。下同。樂樂。上音岳。下音洛。

〔疏〕

赤芾至申之。○正義曰：言古之諸侯，非直鸞旂有禮，又服赤芾在於股，又著邪幅在於股之下而當膝，彼古

也。以諸侯偏束如此，故又以禮樂樂是君子諸侯。天子乃命予以禮樂樂是君子諸侯。則神又以福祿申重之。古之王者，命賜諸侯如此，今王不能然，故刺之。○傳諸侯至偏束。○正義曰：以赤芾對朱爲異，故云諸侯赤芾也。古恒二年左傳曰：帶裳幅寫。內則亦單云偏，則此服名偏而已。杜鄭皆云今之行膝，然則邪繼於足，謂之邪幅。故傳辨之云：邪幅正是偏也。名曰偏者，所以自偏束也。○箋芾太古至予之。○正義曰：箋本其有芾之由，故言太古蔽膝之象，易乾鑿度注云：古者田漁而食，因衣其皮。先知蔽前，後知蔽後，後王易之以布帛，而猶存其蔽前者，重古道不忘本，是亦說芾之元由也。繫辭云：包犧氏之王天下，作結繩而爲網罟，以佃以漁，則佃漁而食，伏犧時也。禮運曰：飲其血，茹其毛，衣其羽皮，是因衣其皮也。以人情而論，在前爲形體之製，宜所先蔽，故先知蔽前，後知蔽後，且服芾於前，明是重其先蔽而存之也。禮運又曰：後聖有作，治其絲麻，以爲布帛，繫辭又云：黃帝堯舜，垂衣裳而天下治，則易之以布帛，自黃帝以後，推此，則太古蔽膝，伏犧時也。後王爲芾，象太古之蔽膝，故云：芾，太古蔽膝之象。垂衣裳，服布帛，必始於黃帝，其存此象，未知起自何代也。明堂位曰：有虞氏服韍，注云：舜始作之，以尊祭服。言始尊祭服，異其名，未必此時始存象也。知冕服謂之芾，其他服謂之韍者，以士之有爵弁，猶大夫以上有冕也。士有韍，猶大夫以上有芾也。士冠禮：陳服於房中，爵弁韍，韍皮弁素韍，玄端爵韍，雜記云：士弁而祭於公，卽爵弁也。士服爵弁，以韍韍配之，則服冕者以芾配之，故知冕服謂之芾。士服皮弁玄端皆服韍，是他服謂之韍，以冕爲主，非冕謂之他也。韍韍俱是蔽膝之象，其制則同。〔俱〕尊祭服，異其名耳。古者衣皮，此存其象，故知以韋爲之。故禮記玉藻：韍，君朱，大夫素，士爵，韋，上云韍，下摠以韋結之，故知以韋，上廣一尺，下廣二尺，長三尺，其頸五寸，肩革帶博二寸，此玉藻文也。彼論韍，此言韍，而引之者，明此二者色異而制同也。又言經本曰股者，明邪幅在下，在股之下，古今名異，欲以今曉人，故云：邪幅如今行膝，說文云：膝，臍也。名行膝者，言行而紮束之，故云偏其經也。又解在下之義，故云：自足至膝，故曰在下，因在下之文，從下而上言之，故云自足，足卽脚跗也。彼交匪舒，文在邪幅之下，明非舒之義，出於邪幅之下，故云：彼與人交接，自偏束如此，則非有解怠舒緩之心，天子以其如此，故賜予之，言上章所得車服，由諸侯非有舒緩故也。此芾幅說諸侯服之而來，非天子賜以芾幅也。天子所賜之服，亦必有芾幅隨之，要此據諸侯自服爲文，非天子所賜，故云自偏束如此。此芾幅之服，禮之所制，縱使心實解惰，亦將服之，而以其

服幅。卽云自偏束者。作者欲美其事。因其衣服而美之。能依禮不失。亦是自偏束矣。○箋古者至不然。○正義曰。古者天子之賜諸侯。必設饗禮。則以禮作樂。故云。以禮樂樂之。乃後命予之。卽上車服是也。天子既已賜之。神則以福祿申重之。謂使之君臣同心。人安國治。此則由神「祈」祐。是神申重之以福祿。是神祐之辭。故知申之者神也。以天子賜之。卽人謀。神又重之。卽鬼謀。故言所謂繫辭也。祭統曰。古者明君爵有德而祿有功。必賜爵祿於太廟。示不敢專也。則賜或在廟。故神得福之。言古能如是。以刺今王不然。

維柞之枝其葉蓬蓬

蓬蓬。盛貌。箋云。此與也。柞之幹。猶先祖也。枝猶子孫也。其葉蓬蓬。喻賢才也。正以柞爲興者。柞之葉新將生。故乃落於地。以喻繼世以德相承者明也。○柞。子洛反。又音昨。木名。蓬。步公反。注同。

樂只君子殿天子之邦樂只君子萬福攸同

殿。鎮也。○殿。多見反。注同。鎮。陟慎反。又音珍。本作墳。

平平左右亦是率從

平平。辯治也。箋云。率。循也。諸侯之有賢才之德。能辯治其連屬之國。使得其所。則連屬之國。亦循順之。○平。婢延反。韓詩作便便。云閑雅之貌。

〔疏〕

維柞至率從。○正義曰。言維此柞木幹上之有枝條。其生葉蓬蓬然茂盛。新將生。故乃落之於地。以葉相承無衰落。以興維此諸侯先祖之有子孫。其有才智亦茂盛。繼世以德。相承無乏絕。由其諸侯世賢如此。是

以古之明王。以禮樂樂是君子。則鎮撫天子之邦。萬福所同聚而歸之。由古者明王尊重之如此。故諸侯之有賢才者。乃平平然辯治其連屬左右之國。使之得所。此連屬之國。亦如是相與循順而從之。故天下所以安定。今諸侯亦有繼世賢才者。王不命賜。使之辯治相從。以安天子之國也。故刺之。○傳蓬蓬盛貌。○正義曰。述柞葉而言蓬蓬。故知是盛貌。毛於此章無異鄭之傳。故爲同也。○箋此興至者明。○正義曰。箋以下云樂只君子。是上列君子之

美。下所樂之。故知此宜陳君子諸侯之事。枝生於幹。猶子孫生於先祖。故云柞之幹猶先祖。枝猶子孫也。以陳諸侯可樂之美。故以其葉蓬蓬喻賢才。木枝莫不生葉。正以柞爲興者。由柞葉新將生。故乃落於地。其枝常有葉。似前君賢者死。後君賢者生。「落」君常有賢也。以詩人舉柞葉相代爲興。知其意喻繼世以德相承者明也。又天保云。如松柏之茂。無不爾或承。彼取葉相承爲義。故取柞爲興亦然也。○傳殿鎮○正義曰。軍行在後曰殿。取其鎮重之義。故云。殿。鎮也。天子以天下爲家。諸侯爲天子守土。故樂是諸侯。則得鎮安天子之國也。○傳平平辯治○正義曰。堯典云。平章百姓。書傳作辨章。則平辨義通。而古今之異耳。故云。平平。辯治。服虔云。平平辯治不絕之貌。則平平是貌狀也。○箋諸侯至循順之○正義曰。箋以上云賢才相承。故此云諸侯之有賢才之德。能辯治連屬之國。使得其所也。諸侯來朝。其連屬者亦至焉。至則亦當賞之。不唯連屬之長。上獨言其賢才者。賞以得賢爲貴。故特舉賢而言。不謂連屬小國至而不賞也。襄十一年左傳。說晉悼公受魏絳之謀。先和戎狄。霸功既成。以賜魏絳之樂。卽引詩云。樂只君子。殿天子之邦。樂只君子。萬福攸同。便蕃左右。亦是聖從。雖引詩斷章。彼以晉悼爲霸長連屬之國。與此同也。

汎汎楊舟。緇緇維之。

緇。緇也。緇。緇也。明王能維持諸侯也。箋云。楊木之舟。汎汎然東西無所定。舟人以緇繫其緇以制行之。猶諸侯之治民。御之以禮法。○汎。芳劍反。緇音弗。爾雅云。緇。緇也。緇音律。緇。力馳反。韓詩云。緇也。箝音才各反。緇。如誰反。

樂只君子。天子葵之。樂只君子。福祿膍之。

葵。揆也。膍。厚也。○葵。其維反。膍。類戶反。韓詩作肫。注同。

優哉游哉。亦是戾矣。

戾、至也。箋云：戾、止也。諸侯有盛德者，亦優游自安止於是。言思不出其位。

〔疏〕

汎汎至戾矣。○毛以爲汎汎然浮於水上者。楊木之舟。舟人以紼繩繫而維持之。使不得東西也。以興居於民上者。諸侯之君也。明王以禮法約而制禦之。使不得違叛也。諸侯既不得違叛。供職順命。故於來朝明王。

以禮樂樂是君子。諸侯天子。於是揆度其功德之多少而命賜之。以禮樂樂是君子諸侯。又以福祿厚賜之。明王既以禮樂諸侯。優饒之哉。遊縱之哉。明王之德能如此。亦如是至美矣。古之命賜諸侯。所以爲美。今王不能然。故刺之。○鄭云。汎汎然浮之於水上者。楊木之舟。而舟人以紼繫而維持之。使有所屬。以興國中者諸侯之人。而諸侯以禮教制禦之。使有所法。中四句與毛同。下二句言諸侯既得賜祿。故優柔哉。遊息哉。亦是於自安止矣。而思不出其位。無復擾叛。今王何以不樂賜賢侯。令之治人自安。反侮慢不信。而令之違叛乎。故刺之。○傳紼。紼至諸侯。○正義曰。紼。釋水云。紼。綱維之。紼。縛也。綱。維也。孫炎曰。紼。大索也。李巡曰。紼。竹爲索。所以維持舟者。郭璞曰。紼。繫也。孫炎曰。舟止。繫之於樹木。戾竹爲大索。然則紼訓爲紼。紼是大綱。綱訓爲紼。紼又爲繫。正謂舟之止息。以紼繫而維持之。以喻明王能維持諸侯。定本及集注。以毛云紼弗也。與爾雅不。同。○箋楊木至禮法。○正義曰。箋亦以下樂只君子。明此言諸侯可樂。故以舟喻人。舟人喻諸侯。以紼喻禮法也。舟人以紼繫舟而制行之。喻人亦得依禮法而行。不以舟止爲喻。○傳葵揆。○正義曰。釋言文。揆者以天子於諸侯命賜有多少。或以恩。或以功。當須揆度多少而與之。○箋戾止至其位。○正義曰。以承上言諸侯能治人以禮法。是有盛德者也。自安止是思不出其位。故引論語以足之。襄二十一年左傳。叔向引詩云。優哉游哉。聊以卒歲。下句與此不同。則所引逸亡。此非也。鄭亦約彼優游爲居止自安之義。故與毛不同。

采菽五章章八句

角弓。父兄刺幽王也。不親九族。而好讒佞。骨肉相怨。故作是詩也。

好、呼
報反。

〔疏〕

角弓八章章四句至是詩○正義曰·角弓詩者·王之宗族父兄所作以刺幽王也·以王不親九族之骨肉·而好讒佞之人·令骨肉之內·自相憎怨·使人傲之·故父兄作此角弓之詩以刺之也·此經八章·上二章言王當親

九族·是爲不親而發言也·既不親九族·則疏遠賢者·自然而好讒佞·事勢所宜言·於文無所當也·骨肉相怨·卽三章四章是也·由其相怨·故五章本其王慢族親宜燕食之事·卽亦不親九族之經矣·既相怨不親·是上教之失·故下三章言其可教而反之·無使爲驕如蠻如髦也·

駢駢角弓·翻其反矣·

與也·駢駢·調利也·不善繼繫巧用·則翩然而反·箋云·興者·喻王與九族不以恩禮御待之·則使之多怨也·○駢·息營反·沈又許營反·說文作𠂔·音火全反·翩·匹然反·繼·息列反·弓·韜也·繫·音景·弓·匣也·說文云·榜也·謂輔也·

兄弟昏姻·無胥遠矣·

箋云·胥·相也·骨肉之親·當相親信·無相疏遠·相疏遠則以親親之望易·以

〔疏〕

駢駢至遠矣○正義曰·以王不親九族·故先述御待之難·言駢駢然調利者·角弓·此角弓雖則調利·當善用之·若不善置繼繫而巧用之·則翩然而其體反「房」矣·是用角弓之難也·以興和順者宗族也·此宗族雖

則和順·當善待之·若不善設食燕而恩御之·則亦憤然而其心怨恨矣·是待宗族之難也·下二句義具在箋·○傳駢駢至而反○正義曰·駢駢文連角弓·卽是角弓之狀也·故云調利也·既已調利·復云翻其反矣·不善用之可知·故言不善繼繫巧用·翩然而「則」反矣·冬官弓人·以六材爲弓·謂幹、角、筋、膠、絲、漆也·又曰·角之中恆當弓之隈·杜子春云·隈謂弓之淵·角之中央·與淵相當·如彼文弓有用角之處·不得卽名角弓·此言角弓·蓋別有角弓·如今北狄所用者·於古亦應有之·但弓人所不載耳·今北狄角弓·強則體反·若不繼繫·則不復任用也·繫者藏弓定體之器·謂未成弓時·內於繫中·此弓已調利·而言繫者·蓋用訖內於竹閉之中·恐損

其體。亦謂之繫繼。卽緦臙也。傳言巧用。明是既已成弓。非未定體也。故知繫義爲然。不以恩禮御待。定本待作侍。○箋骨肉至成怨。○正義曰。骨肉謂族親也。以其父祖上世同稟血氣而生。如骨肉之相附。○閉。謂之骨肉。然則骨肉唯謂同姓耳。此經兼言昏姻。箋通言骨肉者。以昏姻之親。與宗族同。類弁云。兄弟甥舅連言之。是其同也。孟子云。兄弟關弓而射我。我則涕泣而道之。無他。戚之也。其親親之也。是親親之望。易以成怨。爾之遠矣。民胥然矣。爾之教矣。民胥效矣。

箋云。爾。女。女幽王也。胥。皆也。言王女不親骨肉。則天下之人皆如之。見女之教令。無善無惡。所尙者。天下之人皆學之。言上之化下。不可不慎。○微。戶教反。

〔疏〕箋爾女至胥皆。○正義曰。以言人效之。故知汝幽王也。上章胥爲相。此章胥爲皆者。胥。相。皆。並釋詁文也。上以王於族親。故爲相於之辭。此言天下之人非一。故爲皆觀文之勢而爲訓也。此令兄弟綽綽有裕。不令兄弟交相爲瘉。

結綽。寬也。裕。饒。病也。箋云。令。善也。○綽。處若反。寬大也。裕。羊樹反。瘉。羊主反。

〔疏〕此令至爲瘉。○正義曰。上言人隨上化。此又申言須化之由。以人性有善惡。其不善者須化之。故言天下若此令善之人。於兄弟恩義相與。綽綽然有饒裕也。其不善之人。於兄弟則無恩義。唯交更相詬病而已。是天下善人少。惡人多。惡人相病。須上化之。故欲令王教之。

民之無良。相怨一方。

箋云。良。善也。民之意不獲。當反責之於身。思彼所以然者而怨之。無善心之人。則徙居一處怨恚之。○處。昌慮反。恚。一瑞反。

受爵不讓。至于「已」斯亡。

爵祿不以相讓。故怨禍及之。比周而黨愈少。鄙爭而名愈辱。求安而身愈危。箋云。斯、此也。○比、毗志反。鄙爭、爭鬪之爭。

〔疏〕

民之至斯亡。○正義曰。上既言惡人兄弟相病。此又申而「成」之。言天下之人。無善心也。不但於兄弟相病。又不能反之於己。以情相怨。徒然相怨於一方。彼非可怨而怨之。是小人之愚惑也。此言無良之人。

不但遙則相怨。又對面則受其官爵。不以相讓。由此爲彼所怨。至於己身。以此而致滅亡。是不教之大禍也。王何不親宗族以化之乎。章首先言人之無良。乃云相怨一方。并受爵不讓。皆是無良之行。末言至於已斯亡。以此二事而至亡也。以人初不善兄弟。又於外遙則相怨。爵則不讓。由此以亡。○箋民之至怨恚。○正義曰。欲解無良之意。先言良事以反之。言人之善者。其意有所不得於彼心。則當反而求之於己身。思彼所以於我而然者。而以情怨之。不卽相怨也。其無善心之人。有不獲於彼。則徙居一方。而相怨恚。徒、空也。彼不可怨而怨之。是空也。○傳爵祿至愈危。○正義曰。由爵不讓彼。而爲彼所怨。是以禍及於己。王制云。使以德爵以功。則已有功德當自受之。而必須讓者。以凡稟血氣。皆有爭心。在上者可量功校能。受之者當先人後己。故禮設辭讓之法。禮記曰。爵祿可辭。又曰。爵位相先。文王之朝。士讓爲大夫。大夫讓爲卿。舜命羣官。禹讓稷契之類。皆先聖典謨有相讓之法也。論語注云。士辭位不辭祿。言爵祿可辭者。以辭爵則祿亦辭之可知。故并言之。傳又因述不可讓之意。爲阿黨比周而望黨援者。而其黨愈益少也。以人與正不與枉。故曲比者黨少也。爲鄙恥之爭而望榮名者。而其名愈益辱也。以鄙爭可恥。故名辱也。苟望求安於己而危他人者。而其身愈益危也。人各求安。則彼以危己。故身危也。然則求黨求名。在於不爭。求安在於不安。是猶求爵在於讓爵。故言此以類之。

老馬反爲駒不顧其後

已老矣。而「孩」童慢之。箋云。此喻幽王見老人反侮慢之。遇之如幼稚。不自顧念後至年老。人之遇己亦將然。○駒音拘。孩、本作咳。月才反。許慎云。小兒笑也。穉音稚。

如食宜飴如酌孔取

飴、飽也。箋云。王如食老者。則宜令之飽。如飲老者。則當孔取。孔取謂度其所勝多少。凡器之孔。其量大小不同。老者氣力弱。故取義焉。王有族食族燕之禮。○食音嗣。注同。宜如字。本作儀。注同。韓詩云。儀、我也。

鑑、於據反。徐又於具反。取如字。沈又音娶。令、力呈反。飲、於鶴反。度、待洛反。勝音升。量音亮。

〔疏〕

老馬至孔取○正義曰。此又言王之不恕。言老馬反爲駒而用之。猶王於老人反爲童而遇之。王慢老如是。則爲不復自顧其後已至年老。人之遇已亦將然。是猶王之不恕。故天下傲之。皆無良相怨也。因教王尊老。

之宜。言王如食老者之食。則宜令之飽而已。如酌老者之酒。則當如孔之有取。孔者器中之所受也。器之所受有大小。滿則止。猶老者所勝有多少。亦足則停。是王於老者。當節敬如是。今王何以不然。而反慢之。○傳已老至慢之。○正義曰。此經舉馬以喻人。故言已老矣而孩童慢之。說文云。咳。小兒笑也。內則云。子生三月。父咳而名之。謂指其顙下。令之笑。而爲之名。此言孩童慢之。亦當然也。此詩刺王不親九族。所以偏言老者。以老是王者所宜貴。故祭義曰。虞夏殷周。天下之盛王也。未有遺其年者。況其宗族之老人乎。故九族不宜慢之。○箋王如至之禮。○正義曰。王如食老者。食則令之飽。謂有嘉味勸助之也。經言酌當酌酒以與人。是飲之酒也。食則苦其不飽。酒則唯恐過度。故食言宜。酒言孔取。孔取。謂器中空虛受物之處。老子所謂「埏」埴以爲器。當其無。有器之用也。以比於老人所勝。氣力多少。是如孔之取也。言王有族食族燕之禮者。解經所以有食酌之事。食則族食。酌卽族燕矣。以食禮無飲。燕法無食。故如二事也。王於宗族大事亦有饗。但經所不言。食燕可以兼之也。太宗伯。以飲食之禮親宗族兄弟。文王世子曰。若公與族人燕。則以異姓爲賓。膳宰。爲主人族食。世降一等。大傳云。纘之以食而弗殊。是王有族食族燕之禮也。鄭知孔非物所由出。言凡器之孔者。以物所由出之孔。於人飲酒容受之喻不宜。又若一「禮」。不可以喻多少。故爲凡器之孔。老子云。孔德之容。唯道是從。亦謂器之受實爲孔也。

毋教猱升木。如塗塗附。

猱、援屬。塗、泥。附、著也。箋云。毋、禁辭。猱之性善登木。若教使其爲之。必也。附、木桴也。塗之性善著。若以塗附。其著亦必也。以喻人之心皆有仁義。教之則進。

君子有微猷。小人與屬。